



Broj: 01-50-1-177-6/23

Sarajevo, 28. 8. 2023.

ZAPISNIK

6. hitne sjednice Predstavničkog doma

Parlamentarne skupštine Bosne i Hercegovine
održane 28. 8. 2023.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 08-09-2023 *			
Organizaciona jedinica	Klasifikaciona oznaka	Redni broj	Broj priloga

Sjednica je počela u 13.15 sati. Prisustvovao je 41 poslanik.

Odsustvovao je Milan Petković.

Sjednici je prisustvovao ministar vanjske trgovine i ekonomskih odnosa BiH Staša Košarac

Sjednicu su pratili predstavnici Ministarstva odbrane BiH, Ministarstva komunikacija i prometa BiH i Ministarstva vanjske trgovine i ekonomskih odnosa BiH. Iz međunarodnih organizacija sjednicu su pratili predstavnici OSCE-a i Delegacije Evropske unije te Ureda specijalnog predstavnika Evropske unije (EUSR) u BiH.

Predsjedavajući je rekao da je 6. hitna sjednica sazvana u skladu s članom 68. Poslovnika Predstavničkog doma te je konstatirao da 6. hitna sjednica Predstavničkog doma ima sljedeći

DNEVNI RED

1. Prijedlog zakona o izmjenama i dopunama Zakona o strancima, predlažać: Vijeće ministara BiH (P.Z.E.I.), sa zahtjevom za razmatranje Prijedloga zakona po hitnom postupku, u skladu s članom 133. Poslovnika, zakon broj: 01,02-02-1-1853/23 od 24. 8. 2023;
2. Prijedlog zakona o organizaciji tržišta vina u Bosni i Hercegovini, predlažać: Vijeće ministara BiH (P.Z.E.I.), sa zahtjevom za razmatranje Prijedloga zakona po hitnom postupku, u skladu s članom 133. Poslovnika, zakon broj: 01,02-02-1-1862/23 od 25. 8. 2023;
3. Prijedlog rezolucije o sprečavanju svih oblika nasilja nad ženama i uznemiravanja žena u Bosni i Hercegovini, predlažać: poslanici Jasmin Imamović, Saša Magazinović, Ermina Salkičević-Dizdarević, Rejhana Dervišević i Albin Muslić, broj: 01-02-2-1831/23 od 22. 8. 2023.

- Ad.1. Prijedlog zakona o izmjenama i dopunama Zakona o strancima, predlažać: Vijeće ministara BiH (P.Z.E.I.), sa zahtjevom za razmatranje Prijedloga zakona po hitnom postupku, u skladu s članom 133. Poslovnika, zakon broj: 01,02-02-1-1853/23 od 24. 8. 2023.

Predsjedavajući je dao uvodne napomene.

U raspravi o zahtjevu za hitni postupak učestvovali su: Jasmin Emrić, Milan Dunović, Zlatan Begić, Mladen Bosić, Šerif Špago, Branislav Borenović, Milorad Kojić, Midhat Čaušević, Darko Babalj, Safet Kešo i Amor Mašović.

Predstavnički dom je, s 22 glasa „za“ (iz Federacije BiH 15, iz Republike Srpske sedam) 14 glasova „protiv“ i tri glasa „suzdržan“, prihvatio zahtjev Vijeća ministara BiH za razmatranje Prijedloga zakona o izmjenama i dopunama Zakona o strancima po hitnom postupku, u skladu s članom 133. Poslovnika.

Zatim je predsjedavajući otvorio raspravu o navedenom prijedlogu zakona, u kojoj su učestvovali: Šerif Špago, Jasmin Emrić, Mladen Bosić, Safet Kešo, Sanja Vulić, Zlatan Begić i Nihad Omerović.

Nihad Omerović uložio je amandman na Prijedlog zakona od kojeg je prilikom glasanja odustao.

Predstavnički dom je, s 32 glasa „za“ (iz Federacije BiH 24 iz Republike Srpske osam) tri glasa „protiv“ i pet glasova „suzdržan“, usvojio Prijedlog zakona o izmjenama i dopunama Zakona o strancima po hitnom postupku.

Ad.2. Prijedlog zakona o organizaciji tržišta vina u Bosni i Hercegovini, predlažać: Vijeće ministara BiH (P.Z.E.I.), sa zahtjevom za razmatranje Prijedloga zakona po hitnom postupku, u skladu s članom 133. Poslovnika, zakon broj: 01,02-02-1-1862/23 od 25. 8. 2023.

Predsjedavajući je dao uvodne napomene, nakon čega su u raspravi o zahtjevu za hitni postupak učestvovali: Safet Kešo, Mia Karamehić – Abazović, Milorad Kojić, Jasmin Emrić, Šerif Špago i Darko Babalj.

Predstavnički dom je, s 22 glasa „za“ (iz Federacije BiH 15 iz Republike Srpske sedam) 18 glasova „protiv“ i bez glasova „suzdržan“, prihvatio zahtjev Vijeća ministara BiH za razmatranje Prijedloga zakona o izmjenama i dopunama Zakona o strancima po hitnom postupku, u skladu s članom 133. Poslovnika.

Zatim je predsjedavajući otvorio raspravu o navedenom prijedlogu zakona, u kojoj su učestvovali: Jasmin Emrić, Darko Babalj, Sanja Vulić, Milorad Kojić i Branislav Borenović.

Predstavnički dom je, s 22 glasa „za“ (iz Federacije BiH 15 iz Republike Srpske sedam) 12 glasova „protiv“ i šest glasova „suzdržan“, usvojio Prijedlog zakona o organizaciji tržišta vina u Bosni i Hercegovini po hitnom postupku.

Na prijedlog Sanje Vulić, s 22 glasa „za“ (iz Federacije BiH 15 iz Republike Srpske sedam) 11 glasova „protiv“ i sedam glasova „suzdržan“, usvojen je zaključak koji glasi:

“Zadužuju se sekretari oba doma Parlamentarne skupštine Bosne i Hercegovine da, u saradnji s predlagačem Zakona o organizaciji tržišta vina u Bosni i Hercegovini, isprave normativno-tehničke greške sadržane u Mišljenju Zakonodavno-pravnog sektora Parlamentarne skupštine BiH.”

Ad.3. Prijedlog rezolucije o sprečavanju svih oblika nasilja nad ženama i uznemiravanja žena u Bosni i Hercegovini, predlagač: poslanici Jasmin Imamović, Saša Magazinović, Ermina Salkičević-Dizdarević, Rejhana Dervišević i Albin Muslić, broj: 01-02-2-1831/23 od 22. 8. 2023.

Predsjedavajući je dao uvodne napomene.

U raspravi su učestvovali: Jasmin Imamović, Mladen Bosić, Sanja Vulić, Milorad Kojić, Mia Karamehić – Abazović, Nenad Grković, Predrag Kožul, Branislav Borenović, Safet Kešo, Nihad Omerović, Midahat Čaušević i Rejhana Dervišević.

Safet Kešo podnio je amandmane koji glase:

Amandman I.

“Na kraju teksta tačke 1. Rezolucije interpunkcijski znak tačka zamjenjuje se zarezom i dodaje sljedeći tekst:

“te da prema nosiocima vlasti na bilo kojem nivou koji provode bilo koji oblik nasilja nad ženama budu najoštriji u izricanju zakonskih sankcija.”

Amandman II.

“Na kraju teksta tačke 3. Rezolucije interpunkcijski znak tačka zamjenjuje se zarezom i dodaje sljedeći tekst:

“a da kampanju, bez odgađanja, počnu među članovima Vijeća ministara Bosne i Hercegovine“.

Mladen Bosić predložio je amandman koji glasi:

Amandman I.

„U tekst Rezolucije dodaje se novi član:

PSBiH se obavezuje da se u najkraćem roku donesu potrebne izmjene zakona i propisa koje bi onemogućile osobama koje se dovode u vezu s porodičnim nasiljem i nasiljem nad ženama da budu zaposlene u institucijama BiH.“

Poslanici iz Kluba SNSD-a: Nebojša Radmanović, Obren Petrović, Ljubica Miljanović, Miroslav Vujičić, Sanja Vulić, Milorad Kojić i Čedomir Stojanović predložili su amandman koji glasi:

REZOLUCIJA O SPREČAVANJU SVIH OBLIKA NASILJA U BOSNI HERCEGOVINI

1. Predstavnički dom Parlamentarne skupštine Bosne i Hercegovine (u daljnjem tekstu: Predstavnički dom) oštro osuđuje svaki oblik nasilja i apelira na nadležne institucije na nivou Bosne i Hercegovine da preduzmu hitne mjere u vezi s adekvatnijom primjenom postojećih propisa.
2. Predstavnički dom traži od Vijeća ministara BiH i drugih nadležnih organa na nivou BiH da u skladu sa svojim nadležnostima pristupe izradi dokumenata vezanih za definiranje sveobuhvatnog okvira politika i mjera za zaštitu i pomoć svim žrtvama nasilja i nasilja u porodici.
3. Traži se od Vijeća ministara BiH i drugih nadležnih organa na nivou BiH da pokrenu kampanju na jačanju svijesti o sprečavanju nasilja i nasilja u porodici.
4. Traži se od Vijeća ministara BiH i drugih nadležnih organa na nivou BiH da uspostave efikasnu saradnju s odgovarajućim nevladinim organizacijama i organizacijama civilnog društva aktivnim u borbi protiv nasilja i nasilja u porodici.
5. Predstavnički dom traži od svih organa i institucija na nivou BiH donošenje etičkih kodeksa ili njihovo usaglašavanje s međunarodnim konvencijama, Ustavom BiH i zakonima, kako bi se i na ovaj način preduprijedio i sankcionirao neprihvatljiv način ponašanja u obliku nasilja, uznemiravanja ili bilo kakve diskriminacije po osnovu spola.
6. Ova rezolucija stupa na snagu narednog dana od dana objavljivanja u „Službenom glasniku BiH.

Predstavnički dom je, s 34 glasa „za“, dva glasa „protiv“ i četiri glasa „suzdržan“, odgodio izjašnjavanje o Prijedlogu rezolucije o sprečavanju svih oblika nasilja nad ženama i uznemiravanja žena u Bosni i Hercegovini, predlagatelj: poslanici Jasmin Imamović, Saša Magazinović, Ermina Salkičević-Dizdarević, Rejhana Dervišević i Albin Muslić, kako bi predlagatelj Rezolucije i svi predlagatelji amandmana usaglasili tekst Prijedloga rezolucije o kojoj bi se raspravljalo na narednoj sjednici Predstavničkog doma.

Sjednica je završena u 19.10 sati.

Sastavni dio Zapisnika je transkript 6. hitne sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Marinko Čavara